

長樂縣志卷二十八

列傳八 方外

二氏不列於四民其有外之之意乎然瑤宮紺宇藉以粧點湖山釋子道流亦足附庸風雅况靈通玄妙濟世醫人或符籙以驅邪或茶毗而坐化或禱雨而甘霖立沛或降雪而暑氣全消是亦塵外之高風而有裨於民物也傳方外

蜀漢

董奉字君異祖居十一都青山下三國時人按葛洪列仙傳載福州侯官人蓋唐始置新甯縣前此長樂猶統稱侯官也奉修道青山而山以奉得名結茅之處至今稱仙人舊跡基址尚存相傳爲董

長樂縣志

卷二十八

列傳八

一

方外

拔壟則奉生於長樂無疑矣又按道藏仙鑑云昔吳先主時有年少作本縣長見君異年三十餘不知其有道也罷去五十餘年復爲他職經侯官諸故吏人皆往見故長君異亦往顏色如昔問曰君毋有道耶昔在縣時年紀如君輩今已皓首而君猶少也君異曰偶爾每行醫治病以三丸藥救活交州刺史杜燮後居廬山下爲縣令丁士彥禱雨又恒咒水治病不取錢物病重者栽杏五株輕者一株計得七萬餘株鬱然成林杏子大熟君異於杏林下作簞舍語時人曰欲買杏者不須來報徑自取之但將穀一器置倉中即自往取杏穀少而取杏多者即有虎逐之自是買杏乾皆不敢欺君異以所得穀賑救貧窮供給行旅冲昇之後人即杏林故

地置祠曰太乙宮宋真宗賜額大中祥符觀宣和間勅封昇元真人今醫家稱杏林者祖此

同治彭志

唐

百丈大智禪師沙京人初事龍泉禪師一日師令浣布於井見青黃二龍戲井中斲之歸遲其師詰之遂以鉢探二龍獻於師師奇之令削髮遊方臨行囑之曰子逢馬則參逢丈則止果至百丈山參馬祖師遂得道於其山後復歸龍泉立道場製百丈清規及語錄傳於世明萬歷間徒孫僧隆珂募緣梓行

同治彭志

頭陀俗姓李沙京人幼從百丈禪師往洪州後還葬母於沙堤間廬墓三年題詩於石上曰守墳三載念生緣種樹爲因出世恩劃石

長樂縣志

卷二十八

列傳八

二

方外

寄言相囑付一重孫付一重孫題畢石自開頭陀遂端坐於中石復合後人勒其所題詩於石至今猶存

同治彭志

宋

陳通十三都人與弟靈皆有道術能興雷雨除邪崇宣和中召至京符咒輒驗徽宗悅之俱封王爵沒後人多祀之

同治彭志

可瞻俗姓羅石梁人住蘇州淨慧寺兼通外學熙寧辛亥鳴鼓坐化偈云佛法原無事本來須自知汝心若不了何以消白日後七日荼毗獲舍利五色

同治彭志

有諫連江縣人住邑之報恩寺六年元祐丁卯坐化頌云吾年六十畢四大相扣擊藏身火焰中南斗六兮北斗七

同治彭志

文德住持靈光院二十餘年坐化偈云四大本空十大何有澄澄秋月瀝瀝寒泉古岸孤舟鐵帆高掛去則去住則住謝三不上釣魚船洛陽城裏東西路

同治彭志

歐真人名無考沙京人精道術夏旱禱雨甘霖立沛中有浮萍之異人詰之真人曰乃東湖水也嗣有人自東湖來云是日湖涸二尺

餘

同治彭志

元

吳志斗沙京人道術震京師至元間太后病暑召入宮令其降雪爲涼雪立降盈尺授以禮部員外郎會副萬戶楊祥請伐琉球志斗請先招撫之帝從其議乃遣楊祥阮鑑同志斗往招撫諭之不至

長樂縣志

卷二十八

列傳八

三

方外

而還志斗卒於行人疑爲楊祥所殺詔福建行省按問會赦不竟

其事

同治彭志

義高俗姓陳號秋巖十二都人早得仙術元太祖皇帝召賜金幣歸遇貧者悉分與之又精於兵機晉王北征累命從行時六月煩熱王令降雪迺齋沐飛符以皂旗麾之雪旋至後賜歸端坐而化趙子昂有挽詩云世祖龍飛正統天先生身價重當年詩袍碎剪宮娥錦酒債還分御賜錢虎衛紅雲通玉筍鳳池明月送金蓮梁園一去無消息荒草寒烟思惘然

同治彭志

明

善緣俗姓許住連江山菴有書生讀書菴中值上元生到菴曰花燈

何寂寞緣曰熱鬧必須蘇杭請同居士一玩生斥其誕緣令靜對合眼頃刻間如夢遍閱西湖諸名勝從此敬信之嘉靖間自焚是日有鄉人自郡歸至北嶺遇善緣以錫杖挑僧鞋一隻因曰煩將此鞋回敝菴交某手鄉人詣其菴僧衆方候火化大異之

同治彭志

清

道宗俗姓宋號古鏡興化莆田人少有禪性年二十爲僧至靈峰嘆曰此十二奇峰也遂卓錫焉與其徒淨楚募建梵宇人苦無資道宗曰某日有木至適颶風起有巨商飄下杉木數百株竟募得之康熙乙巳知將疫採藥爲備及夏疫起濟活無算復工詩與名公遊一日謂其徒曰來日有名人來謁可煮茗待之至期果然將坐

長樂縣志

卷二十八

列傳八

四

方外

化預知其期茶毗得舍利九粒

同治彭志

林若晦沙京人與十六都劉德真同得符籙於異人能隨意變化子隆傳其術康熙癸未早與德真同禱雨立應知縣陳諧各扁其居

曰術格蒼穹

同治彭志

陳用渙九都人長年服夏衣俗呼濟布道或曰取其濟人布惠故名能興雷雨里中雙髻石畔潭深無際時有蛟出沒常食羊豕煥默誦真言蛟自潭中出斬之害遂平

同治彭志